

U G O V O R
O NABAVCI NEPREDVIĐENIH I DODATNIH RADOVA
NA OBJEKTU GRKARICA IGMAN

UGOVORNE STRANE

1. **MINISTARSTVO UNUTRAŠNJIH POSLOVA KANTONA SARAJEVO** sa sjedištem u Sarajevu, ulica La Benevolencija broj 16, koje zastupa ministar Admir Katica, (u daljem tekstu **Naručilac radova**)
2. **»SELA« d.o.o Sarajevo**, ulica Halilovići 2, koga zastupa direktor Sead Tutić, (u daljem tekstu **Izvođač radova**)

PREDMET UGOVORA

Član 1.

Predmet ovog ugovora je nabavka nepredviđenih i dodatnih radova na objektu Grkarica Igman za potrebe Ministarstva unutrašnjih poslova Kantona Sarajevo, a na osnovu Odluke o izboru ponuđača broj:01-14-4-5385-7 od 04.11.2019. godine.

Ponuda Izvođača radova od 31.10.2019. godine sastavni je dio ovog ugovora.

CIJENA

Član 2.

Ukupna vrijednost za nabavku nepredviđenih i dodatnih radova na objektu Grkarica Igman je 29.210,86 KM sa PDV-om.

Cijene iz Ponude Izvođača radova su nepromijenjive za vrijeme trajanja ugovora.

Osnova za utvrđivanje vrijednosti radova je ponuda Izvođača radova koja obuhvata slijedeće:

- Građevinsko zanatski radovi i
- Elektro instalaterski radovi (sanacija kablova i sistem dojave požara)

NAČIN PLAĆANJA

Član 3.

Naručilac radova se obavezuje da će ugovoreni iznos platiti Izvođaču radova u roku od 30 dana od dana dostavljanja okonačne situacije za izvedene radove i prijema radova.

ROK IZRADE

Član 4.

Rok izvođenja radova je 15 dana od dana uvođenja Izvođača radova u posao, a nakon obostranog potpisivanja ugovora.

GARANCIJA

Član 5.

Garancija na izvedene radove i ugrađeni materijal je 24 (dvadesetčetiri) mjeseca od dana završetka radova.

Izvođač radova je dužan dostaviti garanciju banke za dobro izvršenje ugovorenog posla 10% od vrijednosti ugovora u roku od sedam dana od dana potpisivanja ugovora. Nadzor nad izvođenjem radova će vršiti Zavod za izgradnju Kantona Sarajevo putem svojih predstavnika.

U slučaju zakašnjenja u izvođenju radova, do kojeg je došlo krivicom izabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručenih radova, za svaki dan kašnjenja urednog ispunjenja obaveza, s tim da ukupan iznos ugovorene kazne ne može preći 10% od ukupno ugovorene vrijednosti predmetnog ugovora. Odabrani ponuđač je dužan ugovorenu kaznu platiti u roku od 7 (sedam) dana od dana prijema zahtjeva za plaćanje od ugovornog organa.

TRAJANJE UGOVORA

Član 6.

Ovaj Ugovor stupa na snagu danom potpisivanja ovlaštenih predstavnika obje ugovorne strane i zaključuje se do konačne realizacije ugovora.

PRELAZNE I ZAVRŠNE ODREDBE

Član 7.

Ugovorne strane su saglasne da sva eventualno sporna pitanja rješavaju sporazumno.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 8.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po dva primjerka.

IZVOĐAČ RADOVA
SELA DOO SARAJEVO

direktor
Sead Tutić



Broj: 19-06/12/44
Datum: 05.12.2019



ARUČILAC RADOVA
MUP KANTONA SARAJEVO
ministar
Admir Katica

Broj: 01-14-4-5385-8
Datum: 04-12-2019